

CUKICA

U OVOM BROJU
SAZNAJTE

**KAKO
POSTATI
DOGSTRUST
BFF?**



PRVI BH. ČASOPIS ZA VLASNIKE I LJUBITELJE PASA
januar – juni 2019. godine | broj 3 | dogstrust.ba



Riječ urednika

Dragi prijatelji, sa zadovoljstvom vam predstavljamo treće izdanje našeg magazina *Cukica* namijenjenog vlasnicima pasa, djeci, roditeljima, svim prijateljima životinja i drugima koji pitanje sigurnosti sa psima te dobrobiti pasa smatraju značajnim za zajednicu. *Cukica* izlazi dva puta godišnje pa sljedeće izdanje možete očekivati krajem godine!

Nadamo se da ćete i ovaj put svi pronaći nešto za sebe, a posebno naglašavamo naše nove načine da sve zainteresirane uključimo u naš društveno koristan rad.

Tako i vi uskoro možete postati naši ne samo prijatelji, nego najbolji prijatelji – BFF. Program Dogs Trust BFF pokrećemo s ciljem da pružimo priliku da svi koji to žele iz prve ruke nauče što više o problemu napuštenih pasa, relevantnim zakonima, mjerama za rješavanje problema na sistemski način, o dobrobiti i prirodi pasa i o odgovornom ophođenju prema ovim najboljim čovjekovim krznenim prijateljima. Više detalja pogledajte na 24. stranici!

Kao i uvijek, najmlađi čitaoci i prijatelji su nam najvažniji, pa smo za njih pripremili Program Dogs Trust superheroine i superheroji! Okrenite na 6. stranicu i saznajte više!

Naši programi kojima podržavamo zajednicu da problem napuštenih pasa riješi efikasno, sistemski, humano, zakonski i trajno imaju sjajne rezultate koje možete pogledati na 16. stranici, ali želimo ponovo napomenuti da je za takvo rješenje ipak ključna jaka inicijativa odgovornih lokalnih vlasti da provedu zakonske mjere dosljedno jer samo one to mogu i trebaju, a vi to od njih, kao svojih izabranih predstavnika, itekako možete i trebate zahtijevati.

Za kraj ovog pozdrava ostavljamo vrlo značajnu vijest da koraci ka uspostavljanju izvrsnog Dogs Trust centra za udomljavanje pasa u BiH napreduju. Ovo bi bio jedini Dogs Trust centar za udomljavanje pasa van Velike Britanije i Irske, a sigurno među najboljim ne samo u zemlji i regionu, nego u većem dijelu Evrope!

Srdačan pozdrav od našeg cijelog tima!

PR i Marketing odjel

PROGRAM FOSTERING UDOMLJAVANJA: SRETNO UDOMLJENI PSI



Pas s naslovnice Blondie

Lana Krunic i njena porodica su i ranije u svojoj obitelji imali udomljene pse s ulice od kojih je Mrvica, posljednji ljubimac kojeg su imali, s njima provela čak četrnaest godina.

„Moj sin Aleksa je bio jako mali u to vrijeme. On je prvi ugledao Mrvicu. Sjedila je pored ceste. On je želio da je povedemo kući. Obećali smo mu da ćemo psa povesti sa sobom i udomiti ako bude tu kada se budemo vraćali. I tako je i bilo! Mrvicu smo udomili i kod nas je sretno živjela i uveseljavala nas četrnaest godina“, ispričala nam je Lana.

Lana je uvijek imala podršku svojih roditelja za udomljavanje pasa, posebno oca, ali kako sama kaže i mama je sada „omekšala“ jer je životinjama zaista teško odoljeti.

Kako ste saznali da Blondie traži svoj zauvijek dom?

Program fostering udomljavanja pratim od njegovog samog početka pa sam tako saznala i za Blondie. Naš prvi izbor bio je Princ, međutim, zbog nekih privatnih neriješenih obaveza nismo bili u mogućnosti da ga udomimo u trenutku

Predstavništvo Fondacije Dogs Trust u BiH
Adresa: Gorica 61, 71000 Sarajevo
Telefon: +387 33 83 76 49
office@dogstrust.ba
www.dogstrust.ba

facebook.com/dogstrustbih
youtube.com/dogstrustbih
@dogstrustbih

Dogs Trust Škola za pse
Adresa: Semizovac bb, 71321 Semizovac
www.dogstrust.ba/skola-za-pse

Dogs Trust Program fostering udomljavanja
Telefon: +387 63 29 92 24
fostering@dogstrust.ba
www.dogstrust.ba/udomljavanje
Instagram: @dogstrustudomljavanje

IN MEMORIAM

Adrian Burder

1964-2018.



kada je on tražio dom. Brzo nakon Princa se pojavila Blondie. Bila je to ljubav na prvi pogled. Sinu Aleksu sam rekla kako je lijepa i odmah tražila njegovu pomoć da što prije pošaljemo prijavu.

„Veliku ljubav sam osjećao prema Mrvici, mom prvom psu. Iako je Blondie još uvijek kratko s nama, na trenutke me podsjeća na Mrvicu, pa je nekada tako i zovnem. Blondie je toliko miran i poslušan pas, voli da leži i da se mazi, nekada je od milja zovem i 'penzionerkom', rekao nam je Aleksa Krunic.“

„Kad smo poslali prijavu, gospodin Amer Talić, Dogs Trust fostering koordinator, javio se odmah naredni dan s informacijama o procesu udomljavanja putem Programa fostering udomljavanja. Nekih petnaest dana kasnije smo ponovo dobili poziv od Amera, zakazali termin za kućnu posjetu i upoznavanje i detaljan razgovor o Blondie i našem životnom stilu. Blondie nam je po svemu odgovarala u potpunosti, a sudeći po stručnoj procjeni, ali i reakciji Blondie koja nas je od početka prihvatila i zavoljela, uskoro je postala član naše porodice“.

Ispričajte nam kako su protekli prvi dani s Blondie u vašem domu?

Prvi dani su prošli odlično, bez obzira na to što je ova promjena za Blondie zasigurno bila dosta stresna jer je ona pas koji je do ulaska u Dogs Trust program živjela na ulici. Nije poznato šta je Blondie sve prošla u svom životu, a boravila je i u privremenom domu kod volontera uz čiju podršku je započela svoje navikavanje na život u domu. Naša porodica broji dosta članova i uz mnogo ljubavi i pažnje svih nas, uz cjelodnevno maženje, šetnje, trčanje, Blondie je već puno opuštenija i lagano se navikava na život s nama. Blondie je divna, umiljata, vaspitana.



tako da vjerujemo da ćemo mnogo naučiti o tome kako da bolje razumijemo našeg novog ljubimca i da će nam i to mnogo pomoći u odnosu s njom. S Blondie već sada nemamo nikakvih problema u šetnji, ulasku u auto, te pri njenom druženju s djecom.

Kako su prijatelji i porodica reagirali na vašu odluku da ćete udomiti psa?

Svi naši bliski prijatelji već oduvijek znaju koliko volimo pse i mačke, tako da im naša odluka nije bila neobična. Moja djeca su rasla uz pse, tako da je odluka o udomljavanju Blondie razveselila i porodicu ali i naše prijatelje.

Volim reći vaspitana jer su u Dogs Trustu uradili zaista sjajan posao kada je Blondie prošla osnovnu obuku u Dogs Trust Školi za pse u sklopu svoje pripreme za udomljavanje. Što se Blondie tiče, s nama može biti još samo veselija i sretnija. Prijavit ćemo se za edukaciju vlasnika u Školi za pse,



PROGRAM FOSTERING UDOMLJAVANJA: SRETNNO UDOMLJENI PSI

NALA

Priču o Nali, svojoj „psećoj lavici“ kako su je nazvali, ispričali su nam Aldin, Selma i Feđa, njeni novi zauvijek vlasnici: „Odluku o usvajanju psa donijeli smo još prije nekoliko godina, svjesni da pas nije igračka i da vlasništvo podrazumijeva svakodnevnu odgovornost. Nestrpljivo smo čekali da nam se 'slože sve životne kockice' kako bismo se mogli kvalitetno brinuti o novom članu porodice.

Već prilikom prvog susreta, Naline prve posjete našem domu, bilo nam je jasno da je to naš pas. Dani nakon usvajanja to su nam i potvrdili. Nala – pas kojem u potpunosti odgovara lavlje ime koje nosi, savršeno se uklopila u svoj novi dom.

Jedina briga koju smo imali bila je kako će se slagati s naše dvije mace. Već prvi dan bilo je jasno da mjesta za brigu nije bilo. Danas, naša tri krznena četveronožna ljubimca postali su jedna presimpatična ekipa. Što se tiče kontakata i uklapanja s nama dvonošcima, stvari su išle još i brže.

Budući da smo već nekoliko godina vlasnici dvije mace, ljubimac kao koncept nije nam bio nov. Jedina promjena,



rekao bih pozitivna, jeste jutarnja šetnja i malo ranije ustajanje. Dan nam je postao duži i sadržajni. Tako da ne bih rekao da nam je Nala promijenila život, već prije da ga je ona kvalitetno upotpunila.

Što se tiče konkretnih koristi koje nam je Nala donijela, ukazao bih na njena dva lica. Prvo, gradsko u kojem je Nala divno društvo u dugim šetnjama. Njena blaga i nekonfliktna ličnost već za nekoliko dana učinila je da se radujemo šetnjama i kontaktima s ljudima i životinjama koje srećemo.

Drugo Nalino lice odnosi se na šumski ambijent u kojem provodimo vikende i slobodne dane. Radi se o psu koji prati i jasno markira tragove divljih životinja. Uvečer i tokom noći bdije i javlja prisustvo životinja i ljudi. Čini se da je šuma u stvari njen najprirodniji ambijent. Iako Nala nije neki veliki pas čuvar, s njom se u društvu u dugim šumskim šetnjama osjećamo neuporedivo sigurnije nego prije.



O ljubavi koju daje i sreći koju ona donosi ljubiteljima životinja suviše je i govoriti. Ne prođe dan da bar nekoliko ljudi ili djece na ulici ne osjeti potrebu da priđe i pomazi je. Također suviše je elaborirati i kako dnevnih 5-10 kilometara pješaćenja pozitivno djeluje na ljudsko zdravlje.

Na kraju, želim se zahvaliti Dogs Trustu i svim njihovim ljudima koji su se prije nas brinuli o Nali. Savjeti i oprema koju smo od njih dobili učinili su nam divnim ovo iskustvo našeg prvog psa.“



MRVICA

Malena Mrvica svojim šarmom je osvojila srca javnosti i mnogih ljubitelja pasa koji su se Predstavništvu Fondacije Dogs Trust javili sa željom da baš Mrvici pruže zauvijek dom. Nakon detaljne procjene njenog karaktera i njenih potreba, ali i želja i mogućnosti svih prijavljenih potencijalnih udomitelja, Mrvica se pridružila tročlanoj porodici Ilić. Dalibor i Ana već ranije su bili vlasnici pasa te su procijenili da je sada pravo vrijeme da pomognu još jednom napuštenom psu a istovremeno svojoj sedmogodišnjoj kćerci Loli pruže mogućnost da raste uz psa te tako nauči dosta o odgovornosti i brizi za drugim živim bićem.

Mrvica se odlično uklopila u novu porodicu te s Daliborom, Anom i Lolom često provodi vrijeme u igri i maženju.

BAS

Bas je opušten i razigran pas, uvijek prijateljski raspoložen prema drugim ljudima i psima koji je svoj zauvijek dom pronašao u četveročlanoj porodici. Novi odgovorni vlasnici Tarik i Bakir odmah su se prijavili u Dogs Trust Školu za pse, te su s Basom u potpunosti iskoristili i ovaj besplatni program edukacije vlasnika i obuke pasa. Bas sada odlično sluša i u kući i u šetnji, a osnovne komande naučene u Školi za pse vježbaju tokom svakodnevnih igara i druženja sa svojim novim ljubimcem.

„Bas se odlično uklopio u naš dom. Donio nam je mnogo sreće i ljubavi. Uz psa jednostavno više nikada nećete biti tužni jer je on uvijek tu da vas usreći i popravi raspoloženje!“, u razgovoru nam je rekla Mirzeta, Tarikova i Bakirova mama.



GAGA

Gaga je usrećila djevojčicu Amilu koja je imala veliku želju da udomi psa, a roditelji su joj to omogućili tako što su kontaktirali Dogs Trust i prijavili se. Gaga je, sa svojim bratom Basom, u Dogs Trust Program ušla kao štene od dva mjeseca. Mirna je i povučena te se kao takva odlično uklopila u porodicu s djecom.

„Gaga je veoma dobar pas koji voli da se igra i mazi, umiljata je i mirna, jednostavno najbolji pas kojeg smo imali do sada. Možemo sa sigurnošću reći da je njen dolazak u naš dom u potpunosti promijenio naš život!“, rekla nam je Amila.

PRINC

Princ je svoj zauvijek dom pronašao kod udomitelja koji su u Sarajevo doselili iz Turske. Deniz i Gurkan su nakon dolaska u Sarajevo krenuli u potragu za psom jer su shvatili da im nedostaje jedan prijatelj, te su se obratili Dogs Trustu i saznali za Program fostering udomljavanja.

„Sjećam se kada sam prvi put vidio Princa, čim me je pogledao, odmah se razveselio i počeo da maše repom. Kada se navikao na mene, pružio mi je šapu a ja sam mu pružio ruku. Tada smo već vidjeli da je Princ prijateljski raspoložen i jako razigran te smo se tako i odlučili za njega“, ispričao nam je Gurkan.

Navikavanje na novi dom trajalo je nekoliko dana, s obzirom da je Princ već bio naučen na kućni red i sa svojom privremenom porodicom već ranije pohađao časove u Školi za pse.



Najveći izazov bio je naučiti Princa na drugi jezik i komande na turskom jeziku. Međutim, ovu prepreku savladali su brzo uz stručne savjete instruktora Dogs Trust Škole za pse, te sada žive sretno u harmoniji.

Princ sada ima još jedno ime koje su mu dali njegovi novi vlasnici – Paša!



Djeca su naša budućnost ali i najranjivija grupa društva. Zato Fondacija Dogs Trust polaže mnogo u njihovu sigurnost i edukaciju.

Kao organizacija za dobrobit pasa, naš cilj i misija je da dođemo do dana kada će svi psi živjeti sretno i bez prijetnje od nepotrebnog uništenja, a ovo se može postići samo ako je cijela zajednica sretna i ako pas predstavlja samo radost i korist ljudima.

Po svojoj prirodi ljudi od davnina imaju vezu sa psom koji je zbog svoje velike korisnosti i plemenitosti dobio titulu čovjekovog najboljeg prijatelja. Međutim, psu je potrebna cjeloživotna briga ljudi, pa ako ljudi nisu odgovorni, zdravlje i dobrobit pasa postaje ugroženo što može predstavljati rizik i za čovjeka i za druge pse.

Upravo zato je za sretnu budućnost cijele zajednice, a posebno djece, toliko važna edukacija i podizanje svijesti o važnosti odgovornog vlasništva pasa, adekvatnog odnosa prema psima a posebno sigurnosti sa psima.

Ako dijete od malih nogu nauči koliko je važno da primjenjuje principe sigurnosti u kontaktu sa psom ili u blizini pasa, ako razumije prirodu i potrebe pasa i shvata veliku važnost koju odgovornost u vlasništvu pasa predstavlja za sve, možemo biti sigurni da će to dijete postati sretan, odgovoran, uspješan i siguran član društva!

Upravo zato smo i pokrenuli Klub Dogs Trust superheroina/superheroj – mjesto



Šta rade Dogs Trust superheroji i superheroine?

- ✓ Nikada, ALI BAŠ NIKADA, ne prilaze nepoznatom psu!
- ✓ Ako žele pomilovati psa, znaju da je to moguće samo ako je pas s vlasnikom i na povocu!
- ✓ Ako žele pričati psu koji je s vlasnikom i na povocu, prvo traže odobrenje roditelja, pa vlasnika, a potom čekaju da im pas priđe sam.
- ✓ Poštuju ako pas za kojeg ima dozvolu da mu priđe sam ne pokaže da i on to želi i da je raspoložen za interakciju. Ako pas to ne uradi, Dogs Trust superheroine i superheroji to razumiju i poštuju, jer ni ljudi nisu uvijek raspoloženi za razgovor!
- ✓ Ako vide nepoznatog psa koji im se približava, nikada ne viču niti proizvode bilo kakve glasne zvukove i ne trče, već koriste principe sigurnosti u blizini pasa.
- ✓ Ako vide da je pas u nevolji, nikada sami ne poduzimaju ništa već o tome alarmiraju odrasle odgovorne osobe.
- ✓ Kada se igaju s psom, nikada ga ne vuku za uši ili rep, niti rade bilo šta što je psu neugodno.
- ✓ Čak ako i poznaju psa dobro, uvijek prate njegov govor tijela u cjelini i poštuju ga.
- ✓ Znaju da nije svaki pas koji maše repom sretan ili prijateljski raspoložen.
- ✓ Znaju da pas koji zijeva ili se oblizuje nije uvijek pospan ili gladan već da to mogu biti signali koji pokazuju da je pas nervozan i da mu je neugodno.
- ✓ Znaju da je obaveza svakog vlasnika psa da dobro brine o svom psu, da ga u zajednici uvijek drže na povocu, i da obavezno počiste iza svog psa!
- ✓ Ako u porodici imaju psa, pomažu u brizi za njega na najsigurniji način – npr. mogu doliti vodu i hranu u zdjelice, ponijeti vrećice u šetnju i očistiti iza svog ljubimca, igrati se s psom poštujući principe sigurnosti i prateći njegov govor tijela, i sl.
- ✓ Znaju da su psi plemenite životinje, ali da nisu sasvim kao ljudi! Tako npr. znaju da većina pasa ne voli zagrljaje.
- ✓ Znaju da pas ponekada od straha može reagirati tako da nekoga povrijedi. Zato i razumiju koliko je važno poznavati principe sigurnosti i učiti o „psećem jeziku“!
- ✓ Nikada ne bacaju kamenje na napuštene pse niti se prema njima odnose na bilo koji način koji nedužne, miroljubive pse može uplašiti ili povrijediti!
- ✓ Znaju da napušteni psi žive bez vlasnika upravo jer su ljudi bili neodgovorni prema njima!
- ✓ I vrlo važan, poseban znak da ste Dogs Trust superheroina ili superheroj: Podučavaju i svoje prijatelje i rodbinu o tome kako da i oni budu što sigurniji ali i kako da budu i odgovorni i humani!

za djecu, ali i roditelje i prosvjetne radnike koji žele da zajedno gradimo sretnu budućnost!

Naš Program edukacije školske djece koji se provodi na oko 61% teritorije BiH je sjajna osnova da se pridružite ovom Klubu, ali ne i jedina!

Na našoj web stranici i You Tube kanalu nalaze se brojni korisni sadržaji kroz koje možete saznati kako biti što sigurniji u kontaktu s psima i u blizini pasa, kako biti odgovoran i human i kako kroz širenje ovog znanja svi mogu doprinijeti zajedničkom cilju!

Na našoj Facebook stranici koju možete pratiti saznat ćete o mini kvizovima i takmičenjima u kojima mogu učestvovati i djeca i roditelji i prosvjetni radnici i tako dobiti člansku karticu Kluba Dogs Trust superheroine/superheroja i postati prijatelji koje ćemo uključivati u naše događaje, ankete i posebne nagradne igre!

Za početak, pošaljite nam svoje ime, adresu i e-mail adresu i kontakt telefon, te nekoliko rečenica o sebi na adresu ispod. Vašu člansku karticu ćemo poslati na adresu, a putem telefona ili e-maila ćemo vas pozvati na poseban događaj samo za Dogs Trust superheroje i superheroine!

PREDSTAVNIŠTVO FONDACIJE DOGS TRUST U BIH
Za Dogs Trust superheroina/superheroj
 Gorica 61, 71000 Sarajevo



PREDSTAVLJAMO SAVJETNICU ZA PROGRAM OBRAZOVANJA: ELMU ŠABANOVIĆ

Najveća nada i dar svakog društva su djeca! Na djeci ostaje budućnost, a kakva će ona biti, zavisit će upravo od njih. Zato, ali i jer su djeca najranjivija i najosjetljivija kategorija društva, Fondacija Dogs Trust osigurava provođenje edukacije u školama diljem Bosne i Hercegovine na temu sigurnosti u kontaktu sa psima i u blizini pasa, te o potrebama i odgovornom vlasništvu pasa.

Radionice u Kantonu Sarajevo provode tri edukatorice koje rade u Predstavništvu Fondacije Dogs Trust, a u drugim dijelovima zemlje obučeni edukatori koje angažiraju lokalne partnerske organizacije. Ovaj Program se provodi na 61% teritorije BiH i odobren je od strane relevantnih ministarstava. U ovom broju vam predstavljamo Elmu Šabanović, savjetnicu za Program obrazovanja Predstavništva, prosvjetnu radnicu, suprugu i majku petogodišnjeg dječaka.

Šta su to Dogs Trust radionice za djecu?

Dogs Trust Program edukacije dizajniran je za školsku djecu dobi od 7 do 11 godina, a u školama diljem BiH ga uz odobrenje relevantnih ministarstava provode obučeni edukatori. Program se provodi u vidu edukativno-zabavnih radionica koje djeca vole i u kojima rado sudjeluju svi učenici, bez obzira na školski uspjeh!



O čemu djeca uče na ovim radionicama?

Cilj ovih radionica je podizanje svijesti o sigurnosti u kontaktu sa psima i razumijevanje da naše ponašanje može ugroziti psa, ali i našu sigurnost. Na radionicama koje se svake godine obogaćuju zanimljivim sadržajima djeca uče jako puno korisnih stvari vezanih za pse. Jedan od najvažnijih aspekata je, s obzirom na to da radimo s najranjivijom kategorijom društva, sigurnost u blizini pasa i u kontaktu s njima. Ovo je važno kako za kontakt i blizinu vlasničkih pasa, tako i u kontekstu problema s napuštenim psima koji u našoj zemlji još nije riješen sistemski kako to propisuje državni zakon. Djeca uče i o higijeni u kontaktu sa psima, pa su veterinarski stručnjaci Predstavništva česti gosti na radionicama, te o prirodi i potrebama pasa i važnosti odgovornosti čovjeka u brizi za pse.

Ko finansira radionice?

Radionice kreira i u potpunosti finansira Fondacija Dogs Trust u okviru svoje sveobuhvatne podrške u rješavanju problema napuštenih pasa na efikasan, zakonski, human, i što je vrlo važno – održiv način. Upravo rad s najmlađima osigurava da se problem u budućnosti neće ponoviti.



Kako je s aspekta roditelja, škole pa i cijele zajednice važan ovaj projekat?

Ukratko, ovaj Program značajno smanjuje sigurnosni ali i zdravstveni rizik za djecu u kontaktu sa psima i u blizini pasa. Dodatno, dijete koje od malih nogu shvati važnost humanog i odgovornog odnosa prema životinjama će, kada odraste, biti odgovorno i u vlasništvu psa, pa je ovo način na koji ovaj Program direktno djeluje na glavni izvor problema pasa lula – neodgovorno vlasništvo.

Radionice, nadalje, pomažu djeci i u podizanju samopouzdanja kroz aktivno učešće u pronalaženju zaključaka, jačanju kognitivnih sposobnosti, samoizražavanja i kreativnosti!

Pored toga, školama su korisne jer u okviru plana i programa nijedan predmet ne obrađuje temu razumijevanja, poštovanja i humanog odnosa i odgovornosti prema životinjama, dok istovremeno radionice mogu podržati redovni nastavni program kroz povezivanja teme s raznim predmetima, kao što su moja okolina, engleski jezik, likovna umjetnost i sl.

Radionice su na zahtjev dostupne osnovnim školama i čitaonicama, bibliotekama, igraonicama i festivalima, te drugim događajima porodičnog tipa. Više informacija i kontakte za prijave možete pronaći na našoj web stranici www.dogstrust.ba!

I za kraj, kako je raditi baš ovaj posao u Fondaciji Dogs Trust?

Rad prosvjetnog radnika nije lagan ali pruža veliko zadovoljstvo i odgovornost jer kroz njega imamo priliku da pomognemo najranjivijoj i za sve nas najvažnijoj grupi društva da odrastu što sigurnije i postanu što kompletnije ličnosti koje će graditi progresivno društvo. Ono što je specifično za provođenje ovog Programa jeste njegova društvena korisnost i povezanost s principima humanosti. Djeca su po prirodi miroljubiva i vole životinje, ali je jako važno da nauče da životinje nisu kao ljudi, niti da su igračke, te da se znaju pravilno ophoditi prema njima.

UVIJEK POČISTITE ZA VAŠIM PSOM!




Manjina neodgovornih vlasnika koja ne počisti za svojim psom ostavlja loš dojam zajednici zbog kojeg ispaštaju svi vlasnici pasa!

Čišćenje za vašim psom važan je dio odgovornog vlasništva pasa.




Sa sobom u šetnju uvijek ponesite vrećicu za otpad. Zakačite jednu vrećicu za povodac, kako biste uz sebe uvijek imali jednu rezervnu vrećicu.



Ne ostavljajte vaše korištene vrećice da ih drugi čiste.



Vrećicu s izmetom vašeg psa odložite u za to namijenjenu kantu, ili bilo koju drugu javnu kantu za otpatke.



Kada ste u javnosti, uvijek vodite računa o tome gdje se vaš pas nalazi i šta radi kako biste upratili kada i gdje je obavio nuždu koju je potrebno počistiti.




Ako primijetite da je vlasniku psa potrebna vrećica za otpad, ponudite im svoju.



Ne zaboravite oprati ruke nakon šetnje s vašim psom. Pseći izmet može sadržavati parazite koji mogu narušiti ljudsko zdravlje. Kontaktirajte vašeg veterinara za savjet o dostupnim antiparazitnim tretmanima za vašeg psa.



VODITE RAČUNA DA VAŠA
OKOLINA BUDE ČISTA!



Ljeto sa vašim psom



Ako ovo ljeto planirate putovati i provoditi vrijeme vani s vašim psom, važno je da znate kako da osigurate da vaš pas bude zdrav i sretan.

Obratite pažnju na šest važnih koraka za sigurno i zabavno ljeto:

- 1 Planirajte šetnje. Šetajte s vašim psom rano ujutro ili kasno predvečer kada su temperature nešto niže te je smanjen rizik od pregrijavanja – posebno vodite računa ako vaš pas nije u formi, ako ima viška kilograma ili probleme s disanjem.
- 2 Napravite test od sedam sekundi. Asfalt se može jako zagrijati na suncu – kako biste spriječili da vaš pas oprži šape, provjerite temperaturu prije nego što pustite psa da šeta po asfaltu – napravite test od sedam sekundi, ako je asfalt previše topao za vašu ruku, previše je topao i za šape vašeg psa.
- 3 Provjerite da li su psi dobrodošli na lokacije koje planirate posjetiti. Ako planirate izlet, provjerite da li su psi dobrodošli na lokacije koje planirate posjetiti. Neki parkovi ili plaže imaju ograničenja ili zabranu boravka pasa. Ako ste planirali izlet s vašim psom, provjerite unaprijed i izaberite alternativna „dog-friendly“ izletišta.
- 4 Osigurajte sklonište od sunca i svježvu vodu za piće u toku dana
- 5 Ne dozvolite da vaš pas izgori na suncu.
- 6 Planirajte godišnji odmor za cijelu porodicu, osigurajte da rezervirate smještaj u kojem su dobrodošli i psi!



Šta uraditi ako se vaš pas pregrije?

Ako je vašem psu jako vruće i ne uspijeva smanjiti tjelesnu temperaturu dahtanjem, pas može doživjeti toplotni udar koji može biti fatalan. Neki psi su skloniji toplotnom udaru od drugih – kao npr. jako stari ili jako mladi psi, psi s debelom teškom dlakom, ili oni s kratkim pljosnatim njuškama. Psi s određenim bolestima ili oni koji koriste određene vrste lijekova također su skloniji toplotnom udaru.

Koji su simptomi toplotnog udara kod psa?

- dahtanje
- pretjerano balavljenje
- pas je letargičan, pospan s pokretima koji nisu koordinirani
- povraćanje
- kolaps

Ako vaš pas pokazuje bilo koji od ovih znakova, molimo vas vašem psu pružite prvu pomoć i kontaktirajte najbližeg veterinara.



Psi umiru zatvoreni u zagrijanim automobilima

Dobro razmislite ako planirate putovanje autom s vašim psom – izbjegavajte gužvu i duži boravak u autu u slučaju kada psu može biti prevruće. Ako putujete s vašim psom, planirajte putovanje kada su temperature niže i kada imate mogućnost napraviti pauzu. Samo 20 minuta dovoljno je da pas uginu u zagrijanom automobilu. Blago otvoren prozor nije dovoljan da pomogne vašem psu. Nikada ne ostavljajte psa u zagrijanom automobilu tokom ljeta.

NIKADA NE OSTAVLJAJTE PSA U ZAGRIJANOM AUTOMOBILU TOKOM LJETA!

Samo 20 minuta dovoljno je da pas uginu ako je ostavljen u zagrijanom automobilu.



Blago otvoren prozor nije dovoljan da pomogne vašem psu.

LJETNI SAVJETI ZA VLASNIKE PASA



Šetajte sa vašim psom kada su temperature niže, rano ujutro ili kasno predvečer.



Osigurajte da vaš pas ima dovoljno vode za piće i sklonište od sunca.



Ako ne možete zadržati vaš dlan na asfaltu sedam sekundi, asfalt je prevruć za vašeg psa.


Prva pomoć psu koji je doživio toplotni udar

Za najbolju šansu za preživljavanje psu koji je doživio toplotni udar hitno se mora sniziti temperatura tijela, ali to treba uraditi postepeno.


Ako je vaš pas kolabirao, pozovite veterinara odmah. U blažim slučajevima možete pratiti sljedeće korake prve pomoći kako biste započeli sa snižavanjem temperature tijela vašeg psa:

- psa prebacite u hladniju prostoriju koja je zaštićena od sunca;
- odmah počnite s davanjem male količine vode sobne temperature psu (ne hladne, jer ona može izazvati šok). Ako je moguće, također možete koristiti hladne obloge, vodeći računa da ih često mijenjate i da pas nije pokriven njima sve vrijeme – nekada ovo može uzrokovati povećanje temperature umjesto rashlađivanja;
- dozvolite psu da pije malu količinu vode koja je sobne temperature;
- nastavite sipati malu količinu vode koja je sobne temperature na tijelo vašeg psa sve dok mu se disanje ne stabilizira, ali ne toliko da dovede do drhtavice;
- kada se pas rashladi i disanje ujednači, nazovite vašeg veterinara i zakažite pregled što prije.






OBOJI I ISKRUŽI SVOJU MASKU SUPERHEROJA!



I TI MOŽEŠ BITI SUPERHEROJ! HEROJI SU UVIJEK SIGURNI I ODGOVORNI!

BOJANKA





KAKO POMOĆI VAŠEM PSU da uživa u posjetama veterinaru!

Svi želimo našim psima dobro zdravlje što je duže moguće, ali čak i psi bez ikakvih zdravstvenih poteškoća moraju ići na kontrole za prevenciju parazita, vakcinaciju i sterilizaciju, tako da su male šanse da će ijedan pas kompletno izbjeći sve posjete veterinaru.

Znamo da prethodna iskustva formiraju buduće ponašanje psa, pa ako svoju prvu posjetu veterinaru dožive kao negativno iskustvo, šanse su da će ga taj susret brinuti i sljedeći put; ali, ako se lijepo provede, vjerovatno će mu ubuduće biti ugodnije.

Opuštanje u čekaonici

Čekaonica može biti jako uzbuđljiva, zastrašujuća ili zbunjujuća prostorijski psima tako da im treba pomoći da je povežu sa lijepim mjestom, unatoč tome što čudno miriše i puna je pasa, mačaka i zečeva! Nemojte očekivati da će vaš pas biti smiren, tih i staložen, jer će to sigurno predstavljati veliki izazov – osim ako se nije već navikao na posjetu veterinaru!

Ako naučite svog psa da se zna smiriti gdje god se nalazio, učinit ćete čekanje mnogo opuštenije svima! Vježbajte ovo kod kuće postavljajući dekiću na krevet vašeg psa prilikom svakog vježbanja. Ovu dekiću možete nositi sa sobom i kod veterinaru da mu naznačite šta treba uraditi – još i miriše na kuću!

Ohrabrite svog psa da ostane na deki bacanjem poslastica na nju, kao da lagano, čarobno padaju s neba! Ubrzo bi trebao shvatiti da je deka NAJBOLJE mjesto na kojem može biti.

Počnite u svojoj kući i kada se navikne, iznesite je, krenite sa vježbanjem i van kuće, u sve većoj gužvi, tako da pas bude spreman za čekaonicu kod veterinaru!

Pomozite svom psu da ZAVOLI veterinarsku kliniku – i ljude u njoj!

Ako vašeg psa posjeta veterinarskoj klinici asocira na ukusne poslastice i pozitivna dešavanja, neće se imati baš nizašta brinuti.

Navratite do klinike kada nije gužva – u okviru redovne šetnje, da vaš ljubimac kratko onjuši okolo, dobije pažnju, maženje i par poslastica od uposlenika – to će pomoći vašem psu da uživa u posjetama veterinaru i pripremiti ga za vrijeme kada će morati na pregled ili liječenje.



Svaka posjeta veterinaru čisto „radi zabave“ predstavlja lijepo iskustvo na koje se vaš pas može osloniti ako ikada bude morao ići u ozbiljniju posjetu veterinaru.

Naučite kako da prepoznate to što vam vaš pas govori da biste ga mogli uvjeriti da se može bezbjedno osjećati!

Veterinarsku kliniku će svaki pas drugačije doživjeti ovisno o tome od čega boluje, kakvih je uzbuđljivih ili zabrinjavajućih iskustava taj dan stekao, koliko je gladan ili da li je već upoznat sa veterinarom i prostorom za preglede.

Posmatranje i shvatanje ponašanja vašeg psa će vam olakšati u upravlja-

nju njegovim iskustvom kako bi ono bilo što pozitivnije. Sretnog psa možete prepoznati po tome što mu rep opušteno maše, oči su mu okrugle, uši mu lagano vise i jezik mu je blago isplažen iz opuštene vilice.

Znakovi da vam pas postaje zabrinut uključuju dahtanje i uznemirenost, vidljivo perutanje ili linjanje, raširene oči gdje je vidljiva bionjača, uši okrenute unazad, napeto držanje, s repom stisnutim među nogama, te dizanje jedne šape, treptanje i okretanje glave od svega što je ispred njega.

Kada pas postane zabrinut, potrebno je pravilno reagirati i uraditi sve što možemo kako bi se ponovo osjećao sigurnim. Ovo bi moglo biti jako jednostavno tako što ćemo pitati veterinaru da našeg ljubimca pregleda na podu, ako mu ne odgovara da se podiže, ili tako što ćemo sačekati ispred klinike dok ne bude naš red ako je čekaonica mjesto koje psa uznemirava.

Šta uraditi ako zareži!

Poslušajte svog psa kada reži; on vam pokušava reći da mu je neugodno i da želi da se to što se događa obustavi odmah!

Bitno je da ne ružimo psa kada reži jer je to njihov način da nam kažu da se ne osjećaju sigurnim i od nas traže da to promijenimo!

Psi možda reže i zbog toga što ih nešto boli, ili zbog bola koji nanosi pregled – iako nema vidljive povrede!

Umjesto da psa ružimo, možemo mu pomoći tako što ćemo ga poslušati kada počne pokazivati nelagodu režanjem, te ako smo kod veterinaru, zamoliti ga da napravi malu pauzu kako bi se pas smirio prije nastavka s pregledom.



Naučite svog psa da je uredno da ima pregled bilo gdje i da pregled znači da poslastice brzo stižu!

Iskoristite poslastice u kući da započnete s obukom psa a onda vježbajte na raznim drugim mjestima kako bi se pas dobro osjećao na veterinarskom pregledu.

Počnite tako što ćete maziti svog psa po mjestima za koje znate da uživa; nekim psima je to iza ušiju dok drugi uživaju da se glade po prsima ili leđima. Radite to tri sekunde i nagradite psa poslasticom odmah. Ovo će vašem psu pokazati kako da se opusti između pregleda raznih dijelova njegovog tijela.

Lagano radite na tome da ruku spuštate na različite dijelove njegovog tijela – svaki put prateći isti redoslijed, što znači da će pas znati šta da očekuje sljedeće! Sjetite se da ga nagradite poslasticom nakon svakog dijela tijela koji dotaknete – uši, lice, prsa i leđa!

Nemojte zaboraviti da ga pažljivo uvedete u dođir šapa i repa, uvijek se zadržavajući samo par sekundi, nakon čega mu odmah dajte nagradu.

Upoznajte psa sa čudnim pojmovima poput lijeka i brnjice – polako i kroz zabavu!

Iskoristite sve što vaš pas voli – poslastice, igračke, maženje – kako biste ga naučili da stvari poput kapi za oči i uši, tablete ili tretman protiv buha nisu ništa loše i da će mu u konačnici biti od koristi.

Kada god ste primorani davati svom psu lijek, uvijek pripremite super ukusne poslastice da mu ih možete dati odmah poslije uzimanja lijeka, kako bi taj novi, strašni doživljaj zapamtio po nečemu finom i ukusnom.

Ako se vaš pas već boji apliciranja lijeka na kožu ili u njegova usta, ili ubacivanja lijeka u hranu...

Budite proaktivni i počnite svog psa učiti da je to sasvim uredno i prije nego što mu sljedeći put zatreba. Pitajte svog veterinaru da vam da praznu flašicu

od kapi za oči/uši ili tubu od sredstva protiv buha, i lagano započnite tako što ćete samo držati predmet u jednoj ruci, praveći se da nije uopće od važnosti vašem psu, a davati mu poslastice drugom rukom. Vaš pas se treba naviknuti na to što drži u ruci i shvatiti da nije ništa zbog čega se treba brinuti!

Postepeno napredujte u ovome dok ne budete mogli držati predmet ispružen prema vašem psu jednom rukom a poslasticu mu davati drugom. Svaka poslastica koju mu date dok se navikava na mogućnost uzimanja lijeka opet puni onaj veliki jastuk lijepih iskustava za kasnije, kada našem psu zaista bude trebao lijek!



Polako možete doseći nivo gdje dodirujete psa ovim predmetom dok ga nagrađujete – primijetiti ćete da će postepeni pristup naučiti vašeg psa da se ne treba bojati kada ugleda lijek u vašoj ruci, čak iako mu priđe toliko blizu da ga dotakne!

Naučite svog psa da se nosi sa dužim boravkom kod veterinaru.

Mnogo je bolje pripremiti svog psa unaprijed za slučaj dužeg boravka kod veterinaru. Učenjem da se zna nositi u situacijama bez vašeg prisustva i da

boravi sasvim sam je dobra početna priprema za provođenje više vremena u veterinarskoj klinici.

Možete koristiti pregrade za djecu na vratima u vašoj kući da naučite svog psa da možete biti udaljeni od njega a da on nema potrebe za brigom. Moći će vas vidjeti, čuti i osjetiti vaš miris, jedino od vas neće moći dobiti fizički dodir.

Prije nego što zatvorite pregradu, razbacajte poslastice po podu da ih vaš pas može tražiti ili mu dajte igračku, igračku za žvakanje ili igračku koja ispušta hranu s kojom se sam može pozabaviti. Vaš pas će tako naučiti da je uredno biti sam jer se i tako dobro zabavlja!

Ako nemate pregradu, nemojte brinuti, izađite iz prostorije i polako zatvorite vrata. Držite na umu da ovim totalno izlazite iz njegovog vidokruga, što je za psa veliki korak!

Za početak, ostanite iza vrata samo kratko, a onda postepeno produžavajte period boravka iza zatvorenih vrata toliko dugo koliko vaš ljubimac ostaje opušten!

Ostanite smireni!

Ako ostanete smireni i vodite računa da uvijek razmišljate o tome šta je vašem psu potrebno u datom trenutku – bilo to na putu ka veterinaru, u čekaonici, tokom pregleda ili poslije, kada čekate recept ili zakazujete sljedeći pregled – vašem ljubimcu pokazujete da ste smireni i opušteni povodom svega što se dešava. Ovo bi mu trebalo pomoći da se osjeća ugodnije u vezi sa sredinom u kojoj se nalazite; u suprotnom, ako vaš pas gleda kako postajete sve više nervozni, iritirani ili zabrinuti, pas će također postati uznemiren! Posjete veterinaru mogu biti isto teške za vlasnike koliko i za pse jer nam je, naravno, jako stalo do naših ljubimaca, pa je prirodno da se brinemo za njihovo zdravlje.

Pomozite sebi tako što ćete unaprijed pripremiti spisak pitanja za veterinaru ako ste naročito zabrinuti. Tako možete da se fokusirate na to da obezbijedite vašem psu što udobniju posjetu.





2019. u brojevima

Postignuća Predstavništva Fondacije Dogs Trust u BiH u prvoj polovini 2019. godine



STERILIZACIJE/KASTRACIJE PASA



6.198

ukupno steriliziranih/kastriranih pasa u prvih 6 mjeseci 2019. godine

1.500

steriliziranih/kastriranih vlasničkih pasa

EDUKACIJA ŠKOLSKE DJECE



33.511

djece pohađalo 1.633 radionice

PROFESIONALNO USAVRŠAVANJE VETERINARA I VETERINARSKIH TEHNIČARA



33

kandidata završilo Program stručnog usavršavanja uz mentorstvo međunarodnih veterinarskih volontera kroz 6 edukacija

ŠKOLA ZA PSE



184

vlasnika sa psom završilo besplatnu edukaciju za vlasnike i obuku za pse

PROGRAM FOSTERING UDOMLJAVANJA



6

pasa pronašlo dom kroz Program fostering udomljavanja

1

novi fostering volonter

EDUKACIJA I PODIZANJE SVIJESTI JAVNOSTI



3

organizirana događaja

2

kampanje edukacije i podizanja svijesti



Novosti u 2019.

Dogs Trust Program tehničke pomoći lokalnim vlastima



Predstavništvo Fondacije Dogs Trust je od 2019. godine zvanično pokrenulo vlastiti Program tehničke pomoći lokalnim vlastima. Ovaj Program namijenjen je onim lokalnim vlastima koje pokazuju inicijativu i opredjeljenje da rješavanju problema napuštenih pasa pristupe na holistički, sistemski, zakonski, human i održiv način.

Program uključuje:

- savjetodavnu podršku u kreiranju akcionog plana za uspostavljanje zakonskog, humanog Sistema za upravljanje populacijom pasa koji bi jedini problem riješio i efikasno i trajno, tako da se više ne ponovi. Za ovu podršku, Predstavništvo je kreiralo stručni Priručnik za podršku lokalnim vlastima u kojem se nalaze detaljne, korak po korak, upute za uspostavljanje svih mjera Sistema, kao i razvijene i provjerene standardne procedure Dogs Trust Programa masovne sterilizacije napuštenih pasa, kao i kvalitetnog udomljavanja i brojne druge korisne resurse;



- tehničku podršku kroz usavršavanje veterinarskih stručnjaka u programu koji finansira i koordinira Dogs Trust a koji se provodi u saradnji s Veterinarskim fakultetom Univerziteta u Sarajevu te kroz obuku i opremu u humanom hvatanju pasa;

- savjetodavnu podršku u educiranju školske djece i provođenju kampanja edukacije i podizanja svijesti javnosti;

- korištenje publikacija i drugih resursa Predstavništva;

- prednost pri uključivanju u druge programe ako resursi za to postanu dostupni.

Stručni priručnik i kratka animacija o Sistemu za upravljanje populacijom pasa dostupni su na www.dogstrust.ba.





Gdje izlazite sa vašim psom?

Uspješno ste završili besplatnu edukaciju vlasnika i obuku pasa u Dogs Trust Školi za pse i sada ste spremni da sa svojim psom idete na sva mjesta koja su i psima dozvoljena? U nastavku vam donosimo spisak „dog-friendly“ ugostiteljskih objekata u Sarajevu u kojim vam društvo mogu praviti i vaši psi!



Zdravo Concept Store



Kutch Concept Store



Caffe Meeting Point



Psi su dobrodošli u objekat



Psi su dobrodošli u baštu



Restoran Dveri,
Prote Bakovića 12



Zdravo Concept Store,
Džemala Bijedića,
Naselje Miljacka 160F



Beehive BBQ Pub,
Vladislava Skarića



Caffe Meeting Point,
Hamdije Kreševljakovića 13



Blind Tiger,
Dalmatinska 2



Union Jack,
Trg Heroja 32



Caffe Tito,
Zmaja od Bosne 5



BarSa,
Sime Milutinovića Sarajlije



Route 66,
Bulevar Meše Selimovića 23



The PUB,
Envera Šehovića 15



Caffe bar Twins,
Topal Osman-paše 26



Restoran Piano,
Krupska



Mr. & Mrs. Cue,
Vilsonovo štalište



News Bar,
Zmaja od Bosne 7



Caffe pizzeria Big Ben,
Dobrinja



Kutch Concept Store,
Skenderija 15



Restoran Zelena dolina,
Patriotske lige



PET-FRIENDLY OFFICE IT KOMPANIJA „KLIKA“

U Bosni i Hercegovini sve više je pozitivnih primjera humanog odnosa prema psima, ali i ostalim životinjama, a lokalna IT kompanija Klica koja je ponosna „pet-friendly kompanija“ može zaista poslužiti kao sjajna inspiracija i drugima da razmisle o mogućnosti da svojim uposlenicima dozvole da sa sobom na posao dovedu i svoje ljubimce. O odluci da Klica postane „pet-friendly office“ i utjecaju ljubimaca na rad uposlenika razgovarali smo sa gospodinom Edinom Deljkicom, direktorom kompanije ali i odgovornim vlasnikom psa.

Čime se bavi Klica i koliko ima članova?

Klica je jedna od vodećih IT kompanija u Bosni i Hercegovini koja upošljava preko 100 mladih IT stručnjaka s fokusom na razvoj softvera za velike svjetske brendove.

Kako je došlo do toga da postanete pet-friendly?

Igrom slučaja je jedan od naših članova tima nabavio malog psa koji je tada imao tek nekoliko mjeseci. S obzirom na to da ga je bilo teško ostaviti samog kući u toku radnog vremena pričali smo o tome da pokušamo dovesti pse na posao. Naravno, nije to bila laka odluka zato što, bez obzira na našu ljubav prema životinjama, moramo imati i obzira prema ljudima koji se eventualno plaše pasa. Tako da je naša odluka bila privremena dok ne provjerimo kako bi to sve funkcioniralo u praksi i da vidimo kako će uposlenici reagirati.

Klica i stavovi direktora i članova tima o odnosu prema životinjama, posebno u kontekstu problema napuštenih pasa?

S obzirom na to da smo mi sada već veći kolektiv, kao i u svemu, mišljenja su podijeljena. Mi naravno, kao uprava kompanije, radimo na tome da educiramo ljude i da pokušamo da stvorimo jedan ambijent u kojem ljudi mogu da

žive i rade s ljubimcima svakodnevno. Par naših ljubimaca je tu već s nama nekih godinu dana i ljudi su se poprilično navikli na njih i nekako i njih smatramo dijelom naše Klica porodice.

Koliko članova tima ima ljubimce i koje?

Veliki broj članova tima ima različite ljubimce, od pasa, mačaka, zečeva, ribica i sl., međutim, ne dovode svi svoje ljubimce svakodnevno jer imaju neki uhodan mehanizam čuvanja i brige o njima. Za one koji to ne mogu organizirati sebi, mi smo tu da ih podržimo u čuvanju pasa u toku dana unutar našeg officea.



Foto: Peđa Kazazović

Šta biste poručili drugim kompanijama vezano za društvenu odgovornost i ovo pitanje?

Društvena odgovornost je jedna od bitnih vrijednosti naše kompanije i mi se trudimo da na različite načine i kroz različite interne projekte to promoviramo te da svi zajedno radimo na tome da nešto vratimo svojoj zajednici. Naravno da ohrabrujemo i druge kompanije da nam se pridruže u svemu tome.



Kako prisustvo psa djeluje na atmosferu na poslu?

Neki uposlenici su se odmah zaljubili u naše ljubimce jer su tu s nama od male na i već smo se svi navikli na njih. Ljudi iskoriste priliku da se malo igraju, zabave te skinu sa sebe svakodnevne obaveze i stres na bar neko kratko vrijeme. Naravno, imamo i kolege koji se ne osjećaju sigurno u blizini pasa tako da kontinuirano radimo na tome da psi njima ne smetaju i da se i oni u okviru svog radnog okruženja osjećaju ugodno.

U prostorijama Klike dočekao nas je i Oli sa svojom vlasnicom Tamarom: „Razmišljali smo o nabavci psa baš u trenutku kada smo upoznali Olija kojim je trebao dom. Kada u svom domu imate psa, jednostavno uvijek imate prijatelja. Oli je velika odgovornost i obaveza, ali sve to obavljamo sa zadovoljstvom jer Olija uistinu smatramo ravnopravnim članom naše porodice. Zahvaljujući tome što sam zaposlena u „pet-friendly kompaniji“ Klica ja sam sa Olijem stalno. Oli je jedna velika ljubav, kolege ga obožavaju i uz igru s njim na poslu svi se zabave i rasterete. Vjerujem da pozitivno utječe na raspoloženje i atmosferu na poslu i nadam se da će u budućnosti sve više kompanija to i prepoznati te omogućiti svojim uposlenicima da na posao povedu i svoje pse“, ispričala nam je Tamara.





Zajedno u harmoniji PSI I MAČKE

Mnogi psi mogu mirno živjeti s mačkama, često uspostavljajući blizak odnos u kojem spavaju zajedno ili se međusobno čiste. Međutim, to nije uvijek slučaj. Neki psi jednostavno ne mogu ili ne trebaju živjeti s mačkama, a slično tome, ne mogu ni sve mačke živjeti s psima. Neke mačke mogu biti vrlo nervozne u blizini pasa, pa čak i miran pas može toliko uplašiti vašu mačku da njena dobrobit bude ugrožena. Isto tako, postoje neki psi kojima je nagon predatora tako jak da uopće ne mogu ostaviti mačke na miru.

Ako vaš pas dosljedno pokazuje znakove prekomjernog uzbuđenja oko mačaka i ne može se smiriti, možda nije dobra ideja da borave zajedno. Ako se vaš pas tako ponaša u blizini mačaka, preporučujemo da ih držite odvojeno u svakom trenutku i da kontaktirate iskusnog stručnjaka za ponašanje pasa za savjet.

Kako napraviti sigurno upoznavanje

Upoznavanje bi trebalo biti POSTEPENO i KONTROLIRANO. Ganjanje je vrlo zabavno za pse ali je važno da se tako ne ponašaju s mačkama! Spriječite ganjanje fizičkim odvajanjem i osigu-

rajte dosta prostora za vašu mačku kako bi se mogla udaljiti i sakriti. Miris je izuzetno važan oblik komunikacije za pse i mačke. Pokušajte upoznati kućne ljubimce jedne sa drugima prije nego što dovedete novog člana porodice kući. Zamolite za neki pokrivač ili igračku koja miriše na vašeg novog kućnog ljubimca i ostavite je na podu kako bi je vaš kućni ljubimac mogao istraživati vlastitim tempom. Isto tako, dajte privremenom skrbniku vašeg novog ljubimca pokrivač ili igračku koja miriše na vašeg ljubimca, tako da mogu učiniti isto.

Vaša mačka nikad ne bi trebala biti prisiljena da boravi u istoj prostoriji sa psom i trebala bi imati pristup mnogim policama i rutama za bijeg u slučaju da se osjeća ugroženom zbog psa.

Neka svaki od vaših ljubimaca ima svoj kutak gdje će se osjećati sigurno kada jede, pije, odmara se i odlazi u toalet. Pobrinite se da vaša mačka može pristupiti svim svojim resursima a da je vaš pas ne slijedi, i da uvijek može pobjeći od njega ako se osjeća ugroženom. Pobrinite se da vaši postojeći kućni ljubimci uživaju u provođenju vremena u svom dijelu prostora u kući prije nego što donesete novog ljubimca i omogućite odvajanje vaših ljubimaca preprekama, poput pregrada za djecu ili iza zatvorenih vrata, u kratkom roku. U prvoj sedmici dolaska novog kućnog ljubimca nastavite „izmjenjivati mirise“ razmjenu predmeta kao što su posteljina ili komad tkanine na kojoj je pas ili mačka spavala. Nakon toga možete početi sa postepenim upoznavanjem. Vaša mačka i pas bi se trebali držati fizički odvojeni u svakom trenutku, osim ako ste vi tu da aktivno nadgledate i nagrađujete odgovarajuće ponašanje. Ako vaša mačka odabere da uđe u istu sobu gdje je vaš pas, važno je da pas bude na svom povocu (po mogućnosti na povocu za trening) i da bude nagrađen za mirno ponašanje. Vaša mačka nikad ne bi trebala biti prisiljena da boravi u istoj prostoriji sa



psom i trebala bi imati pristup mnogim policama i rutama za bijeg u slučaju da se osjeća ugroženom zbog psa. Pregrade za djecu su obično dobro rješenje jer omogućavaju mačkama da pobjegnu a da ih pas ne može slijediti. Upoznavanje bi trebalo ići po tempu mačke. Nikad nemojte silom držati mačku kako bi je upoznali sa psom; mačka bi uvijek trebala imati mogućnost kretanja prema psu ili dalje od njega kako poželi, sve dok se oboje mirno ponašaju.

Ako mačka pokazuje prijeteće ponašanje prema psu, čak i ako je pas smiren i ako ste uspješno izmijenili mirise, držite ih fizički odvojeno i potražite savjet od iskusnog stručnjaka za ponašanje pasa.

Držite potpunu kontrolu nad svojim psom i nagradite ga za smirenost u prisustvu vaše mačke. Vremenom, vaš pas bi trebao biti u stanju ostati smiren i usredotočiti se na vas u prisustvu vaše mačke, a vaša mačka bi trebala steći povjerenje u prisutnost vašeg psa.

Ako vaš pas pokuša ganjati vašu mačku, ili je uzbuđen zbog njene prisutnosti, udaljite ih ili ih izvedite jedno drugom iz vidokrug a i postepeno ih navikavajte. Nemojte ružiti svog psa –

Vremenom, vaš pas bi trebao biti u stanju ostati smiren i usredotočiti se na vas u prisustvu vaše mačke, a vaša mačka bi trebala steći povjerenje u prisutnost vašeg psa.

jednostavno ga odmaknite i pokušajte ponovo na većoj udaljenosti. Potrebno je uvijek imati fizičku prepreku između kućnih ljubimaca ili obavezno držite svog psa na povocu sve dok ne budete sigurni da su oboje mirni i opušteni u blizini jedno sa drugim. Imajte na umu da vaša mačka i dalje treba imati slobodan pristup svim svojim resursima, uključujući i pristup bašti (ili kutiji sa pijeskom), a da ne mora prolaziti kroz mjesto gdje vaš pas najčešće boravi i gdje će u budućnost provoditi većinu svog vremena.

Održavanje mira

Nakon što se vaša mačka i pas uspješno upoznaju, postoji mnogo stvari koje

možete učiniti kako bi život ostao što skladniji.

- Označite osnovno područje za vašu mačku gdje može jesti, spavati, piti, igrati se i obavljati nuždu, a da ne dolazi u dodir sa psom ako to ne želi.
- Pružite svojoj mački puno vertikalnog prostora tako da se može kretati bez prolaska pored vašeg psa. Stvari poput praznih polic a ili bilo kojih površina na visini su idealne.
- Uvijek nagradite svog psa za mirno ponašanje oko mačke.
- Nemojte svog psa tjerati od mačke – to može biti zbunjujuće i može dovesti do negativne asocijacije koja bi mogla još više pogoršati njegovo ponašanje. Ako mu ne možete vjerovati u blizini vaše mačke, držite ih odvojeno i/ili vašeg psa na povocu kako biste spriječili trku po kući.
- Veća je vjerojatnoća da će pas biti miran oko vaše mačke ako je umoran, stoga pazite da pas bude mentalno i fizički aktivan.

Zapamtite, kao manja, ranjivija životinja, upoznavanje bi uvijek trebalo ići po tempu vaše mačke i ona bi uvijek trebala moći lako pobjeći dalje od psa ako to poželi.





Komande u slikama

KOMANDA ČEKAJ

Kako naučiti psa da nas čeka kada mu to kažemo?

Ova komanda je zaista neophodna za slobodu kretanja sa vašim psom. Naprimjer, možete ga naučiti da vas čeka u automobilu dok vi spremate prtljag za putovanje, ili da ga ostavite sa prijateljem ispred dok vi kupujete u prodavnici, ili jednostavno da leži miran dok vi sjedite i pijete piće ili kafu u bašti vašeg omiljenog kafića.

Vježbajte s ciljem da pas ostane ležati što duže. Kada pas legne, izbrojte 5 sekundi prije nego ga nagradite. Držite ruku gore u STOP znaku i nakon 5 sekundi ga nagradite. Sjetite se, tajming davanja nagrade je ključan. Dajte nagradu psu dok još leži, a ne kada je ustao jer ga nagradujete što leži, a ne zato što je ustao. Nadograđujte na ovu vježbu polako sve dok pas ne bude mogao da leži bar 30 sekundi u komadu. Budite strpljivi, ovo može potrajati nekoliko sedmica ali strpljenje će se isplatiti. Vježbajte svuda, u kući, u šetnji, u parku, u bašti. Tek nakon što postignete da pas na vašu komandu ostane na mjestu i leži oko jedne minute, možete početi raditi na udaljavanju.

Kada pas legne, vrlo lagano napravite korak nazad od njega, i ako ne ustane da vas prati, vratite se i nagradite ga. Uvijek nagradite psa dok je u položaju koji ste od njega tražili. Razlog zašto je ova komanda posebno teška je zato što se sve druge komande fokusiraju na to da psa zadržavamo pored sebe. Zato se ne treba ljutiti na psa ako ovo ne uspije odmah na početku. Budite strpljivi i pratite tempo svog psa. Pažljivo posmatrajte znakove da će pas ustati i ako shvatite da će to uraditi, preduhitrite ga i nagradite dok još leži. Zapamtite, sve komande počnite vježbati na mjestu gdje nema distrakcija za psa, a onda lagano idite na mjesta sa malo pa onda sa više distrakcija – a to su mjesta gdje ima mnogo ljudi i pasa. Konačni cilj je da pas bude spreman da ostane ležeći kada mu to kažete uprkos brojnim distrakcijama.

Uvijek se pobrinite da vježbate negdje gdje je sigurno jer pri ovoj obuci pas nije na povocu. Ako ipak vježbate na javnom mjestu, obavezno, za sigurnost vašeg psa, koristite povodac. Ne zaboravite da se kroz ovu i sve druge vježbe zabavite sa vašim psom.



NEMA GRICKANJA!



Kako da naučimo psa da ne gricka tokom igre?

Jako je važno da naučimo psa da hranu iz naše ruke uzme nježno i da igra nikada ne uključuje zube. Imamo sreće, jer na neki način psi to već znaju. Naučili su to kada su se igrali kao mali sa svojom braćom i sestrama. Kada bi jedan kućić osjetio zube na sebi, igra bi u tom trenutku završila. Trebamo ih naučiti da je isti slučaj i sa ljudima.

Uzmite poslasticu koju vaš pas najviše voli i držite je u šaci čvrsto i ma koliko vaš pas pokušavao da je uzme, ne popuštajte. Sačekajte trenutak kad se njegova njuška odmakne od vaše ruke i tek tad ga nagradite. Ono što treba da nauči jeste da ako grize, nikada neće dobiti nagradu. Jedini način da dobije nagradu je da prestane gristi, tj. da se odmakne od vaše ruke. Isto je i kada se igrate sa igračkama. Zubi nikada ne

smiju dotaći vašu ruku. Ako se to i desi, odmaknite igračku i prestanite sa igrom na nekoliko sekundi. Onda se vratite i nastavite sa igrom, učeći ga ponovo na isti način da zube nikada ne koristi na rukama.

Zapamtite da pažnja koju vaš pas dobije od vas dolazi u tri oblika, glas, dodir i kontakt očima. Morate biti jako dosljedni u podučavanju svog psića pravilima. Svaki put kada njegovi zubići dotaknu vašu kožu, ako nastavite pokušavati da grickaju vašu ruku, pokušajte sa ovom metodom:

- Okrenite im leđa
- Prekrižite ruke
- To je za njih jasan znak da više nemaju vašu pažnju.
- I ova vježba je važna za cijelu porodicu. Neka svi koji dolaze u kontakt sa psom ponavljaju ovu vježbu i nauče psa da grickanje nije igra.





Postani naš najbolji prijatelj

DOGS TRUST BFF!

Želite li i vi doprinijeti zajedničkom cilju da dođemo do dana kada psi neće živjeti nezbrinuti i prepušteni sami sebi već samo uz dobru brigu svog odgovornog vlasnika?! Sada to možete uraditi bez osnivanja udruga ili angažmana koji zahtijeva vrijeme tokom radnih dana kada imate svoje redovne obaveze!

Fondacija Dogs Trust, jedna od najvećih svjetskih organizacija za dobrobit pasa sa sjedištem u Velikoj Britaniji, već sedam godina i u Bosni i Hercegovini pomaže da se dobrobit pasa, a time i dobrostanje zajednice, unaprijedi na sistemski i održiv način. Dogs Trust se finansira isključivo od donacija koje se ne sakupljaju u Bosni i Hercegovini. Upravni odbor Fondacije i Povjerenici koji zastupaju donatore odobravaju naše programe koji su dizajnirani da podupru Sistem i trajno doprinesu da psi više ne žive napušteni, već dobro i pravilno zbrinuti, u sretnom domu, što je u interesu cijele zajednice.

Naši donatori smatraju da je najbolji način da osiguramo bolju budućnost za čovjekovog najboljeg prijatelja – edukacija i prevencija! Pored programa koji direktno djeluju na posljedicu problema – pse koji već žive prepušteni sami sebi, Predstavništvo vodi niz programa koji djeluju na sam uzrok problema.

Masovna sterilizacija napuštenih pasa sprečava da novi kućići o kojima niko ne može brinuti ne dolaze na svijet, jer i oni bi često bili prepušteni sami sebi. Pored toga, brojne ženke su čestim okotima pod zdravstvenim rizikom, dok mužjacima sterilizacija sprečava komplikacije u kasnijoj dobi života. Svi psi u našem Programu masovne sterilizacije su vakcinisani protiv bjesnila, tretirani protiv crijevnih parazita, te označeni sa mikročipom i ušnom markicom.

Sretni smo što već imamo veliki broj prijatelja koji nas pate na našim Facebook, Instagram, You Tube i web stranicama i podržavaju podizanje svijesti na našim događajima!



KAKO DOGS TRUST BFF DOPRINOSI RJEŠENJU?

Naši najbolji prijatelji ste vi, Dogs Trust BFF, koji želite napraviti razliku i doprinijeti trajnom, humanom i zakonskom rješavanju problema napuštenih pasa i to tako što ćete:

- ✓ pomoći drugima da razumiju elemente zakonskog, humanog i sistemskog načina da dođemo do zajedničkog cilja i budućnosti u kojoj će svi vlasnici pasa biti odgovorni, svi ljudi humani i sigurni, i svi psi sretni i zdravi,
- ✓ učestvovati u davanju svog mišljenja o našim kampanjama,
- ✓ učestvovati u našim istraživanjima i anketama,
- ✓ prisustvovati javnim događajima i događajima koje ćemo organizirati samo za vas,
- ✓ učestvovati na medijskim gostovanjima, snimanjima i fotosesijama,
- ✓ pomoći da se uspješno udome psi iz našeg Fostering programa dijeljenjem objava,
- ✓ pomoći prijateljima i porodici da razumiju standarde kvalitetnog udomljavanja,
- ✓ educirati druge o ulogama koju imaju građani, vlasti i institucije, lokalne organizacije i naše Predstavništvo u ostvarenju zajedničke misije.



Sve vas koji želite da dođemo do dana kada će svi psi živjeti sretno bez opasnosti od nepotrebnog uništenja pozivamo da nam pomognete da zajedno, brže i efikasnije dođemo do tog cilja. Kao što svi znamo, edukacija i podizanje svijesti ključni su elementi promjene u razmišljanju i ponašanju ljudi, a najvažniji aspekt održivog rješenja je prevencija.

Za zainteresirane Dogs Trust prijatelje organizirat ćemo i mini konferenciju i druženje kako bi se pobliže upoznali sa svim aspektima našeg rada i programa, naučili glavne elemente državnog Zakona koji se odnose na pse, kao i o standardima koje na osnovu brojnih naučnih istraživanja i dugogodišnjeg iskustva koristimo u programima koje finansiramo!

Svaki Dogs Trust BFF koji nam putem e-maila na office@dogstrust.ba potvrdi da želi biti dio ove inicijative dobit će kratki upitnik, a poštom i Dogs Trust BFF karticu s članskim brojem.





Zašto je SAVJET STRUČNJAKA kada nabavljate psa ključan za sreću porodice i psa

Odluka da nabavite psa je veoma uzbudljiva, ali kako bi se ushićenje nastavilo i vlasništvo psa bilo pozitivno i inspirativno iskustvo kako i treba biti, potrebno je razmotriti i evaluirati mnogo toga.

Svi već znamo da biti spreman za psa znači željeti i imati mogućnosti da mu osiguramo sve što mu je potrebno da

bude sretan: suh i prozračan prostor odgovarajuće temperature gdje će boraviti, adekvatnu količinu zdrave hrane, friške vode, dovoljno kretanja i igre, veterinarsku njegu i obuku! Svi znamo da također moramo biti odgovorni i prema drugima, te da svog psa u zajednici uvijek držimo na povocu, da uvijek očistimo iza njega, i sl.

Ako zaključite da možete i da ste odlučni da se dobro brinete o ljubimcu za cijeli njegov život, svakako da ste spremni da nabavite psa! Mada je ovo temelj bez kojeg niko ne bi trebao ni pomišljati na psa, predstoji još nekoliko ključnih odluka: kako izabrati odgovarajućeg psa i da li udomiti mješanca ili nabaviti psa određene pasmine? Ako nabavljate psa određene pasmine koja po svojim karakteristikama koje ste istražili odgovara onome što želite, treba imati na umu da svaki pas kao i čovjek ima i svoj unikatan karakter i da je upravo zato procjena stručnjaka neophodna.

Dogs Trust ima dugogodišnje iskustvo upravo u pronalaženju idealnog spoja između vlasnika i psa koje zasniva na stalnom istraživanju i stalnom unapređivanju procedura u ovom procesu u svoja 23 izvrsna Centra za udomljavanje pasa u Velikoj Britaniji, Irskoj i Škotskoj! Mi vas pozivamo da razmotrite da ne kupujete, već da udomite psa. Time ćete ne samo spasiti jedan život i pomoći zajednici da taj pas na ulici ne promijeni ponašanje ili postane bolestan, već ćete dobiti šansu da pronađete svoju istinsku pseću „srodnu dušu“! Postoji mnogo mješanaca koji su prelijepi, zdravi i bez genetskih predispozicija na određene bolesti koje određene pasmine nose, inteligentni, i povrh svega, vrlo zahvalni i spremni da usreće svog vlasnika.

Evo nekoliko parametara koje naši stručnjaci procjenjuju kako bi osigurali da je spoj između vlasnika i psa najbolji!

Aktivnost

Važno je pobrinuti se da osoba koja nije preaktivna ne nabavi psa kojemu je potrebna intenzivnija vježba, već psa koji će pratiti ritam vlasnika i biti



time zadovoljan. Slično je i s količinom mentalne stimulacije i igre koja je potrebna psu, te vlasnik psa koji je radoznao i voli da rješava razne izazove kroz igru treba da bude neko ko će u tome uživati.

Kompatibilnost na nivou aktivnosti koja je psu potrebna i koju vlasnik može pružiti jedan je od važnih faktora u ovom procesu, ali postoje još mnoge, od kojih ćemo ovdje spomenuti najvažnije.

Životni prostor

Veoma je važno uzeti u obzir i površinu životnog prostora potencijalnog vlasnika u odnosu s veličinom psa. Npr. veći pas neće biti sretan da živi u malom prostoru gdje neće imati dovoljno mjesta za svoj ugodan boravak, a vlasnik će ovim također biti isfrustriran.

Ograđen park

Da li postoji park ili sigurna zelena površina za istrčavanje psa kojem je to potrebno.

Neki psi se plaše malog zatvorenog prostora kao što je lift, pa bi svakodnevna vožnja bila stresna i za njega i za vlasnika.

Broj ukućana

Nadalje, važan je i broj ukućana! Postoje psi koji vole društvo i da su stalno okruženi društvom, ali i oni koji više vole da nakon šetnje ili igre koja im je potrebna odmore na miru.

Djeca u porodici i njihova dob

Djeca u porodici i njihova dob je još jedan faktor koji može utjecati na odabir psa. Za porodicu s manjom djecom bolje bi se uklopio visoko tolerantan pas, jer je malom djetetu mnogo teže objasniti sve principe sigurnosti.

Druge životinje

Vrlo je važno i da li u domaćinstvu gdje će pas živjeti postoje i drugi ljubimci, bilo da se radi o drugom psu, mački, hrčku, zečiću, pticama ili ribicama! Ovdje u obzir posebno treba uzeti i

da uskoče u automobil! Ako često idete na izlete ili ćete svog psa često voziti na druge destinacije, sigurno ćete oboje više uživati ako je pas sretan da se vozi i ako mu je u autu ugodno. Ovo je vrlo važno i za sigurnost vozača, kao i ostalih u automobilu, ali i samog psa.

Dob psa

Dob psa također igra ulogu. Neki ljudi vole da dobiju mladog psa koji će uz njih rasti, dok drugi preferiraju zrelijeg psa koji je prošao „pubertet“ i ponaša se staloženije. Neki ljudi se odluče i da spase i udomite starijeg psa i omogućite mu ljubav i brigu za ostatak života!

Njega i gruming

Veća potreba za čestim grumingom psa također je faktor kojeg trebate uzeti u obzir. Ako pas ima lijepu, dugu dlaku, to je zaista lijepo za oči ako je redovno održavana, a i zdravije za psa. Ali ako novi vlasnik nema vremena ili interesa da svog psa četka svaki dan, ili nema mogućnost da ga prečesto

PRAVI PAS ZA VAS PROCES KVALITETNOG UDOMLJAVANJA

PORODICA KOVACEVIĆ

- Mladi bračni par
- Žive u porodičnoj kući
- Zaposleni na puno radno vrijeme, od kuće odsutni više od 9 sati dnevno
- Očekuju prvo dijete
- Nikada nisu imali ljubimca

PORODICA MRVIC

- Tročlana porodica, roditelji i desetogodišnja kćerka
- Žive u vlastitom stanu
- Aktivna porodica koja slobodno vrijeme provodi van kuće u prirodi
- Već imaju ljubimca, hrčka

PORODICA OLOVČIĆ

- Bračni par, penzioneri
- Vole mir i tišinu
- Rado provode vrijeme u kući i kraćim šetnjama
- Već su imali mirnijeg, starijeg psa i željeli bi udomiti psa sličnog karaktera

PAS MRVICA

- Mali pas
- Voli izlaziti više puta dnevno i potrebno joj je puno fizičke aktivnosti

MRVICA JE PRONAŠLA SVOJ ZAUVIJEK DOM!



Kuća ili stan

Važan parametar u evaluaciji stručnjaka je i da li potencijalni vlasnik živi u kući ili stanu i da li ima sigurno i ograđeno dvorište. Ovo će pomoći pri procjeni psa zavisno od njegovih potreba. Npr. ako vlasnik ima ograđeno dvorište, za njega će biti dobar pas koji ima potrebu da se više igra bez opasnosti da izađe na ulicu ili da mu sigurnost bude ugrožena na drugi način.

Sprat stanovanja

Iz brojnih razloga je važno i na kojem spratu potencijalni vlasnik živi i da li postoji lift. Npr. neki psi se plaše stepenica, drugi lifta. Zatim, ako je pas većeg rasta, a njegovi vlasnici npr. stariji ili slabije građe, postoji opasnost da u slučajevima ako to zatreba, psa neće moći ponijeti do izlaza na sigurnost.

zakonsku regulativu vezanu za broj pasa koji je dozvoljen po domaćinstvu. Neke od općina već imaju usvojene regulative o ovom pitanju.

Naši stručnjaci nastoje da procijene kako se pas koji dolazi slaže s drugim psima i konkretno sa psom koji je već u domaćinstvu, te kako se taj „starosjedilac“ slaže s njim. Neki psi vrlo dobro toleriraju mačke, ali ako mačka koja je tu „domaća“ nije najtolerantnija prema psima ili drugim životinjama, to će se negativno odraziti i na psa i na mačku ali i na čitavu porodicu.

Vožnja automobilom

Potreba za čestom vožnjom psa u automobilu koju neki vlasnici imaju također je važan element koji će utjecati na odabir psa, jer neki psi ne podnose vožnju najbolje, dok drugi jedva čekaju

vodi na šišanje, to može oboje frustrirati. Vlasnika jer će pas biti neuredan i linjati se više nego što bi trebalo, a psa jer će to utjecati na njegovu udobnost i zdravlje.

Prethodno iskustvo

Ako se radi o nekome ko će po prvi put iskusiti blagodati i sreću koju imaju vlasnici psa, potrebno je prije svega da razumiju odgovornost koja znači brigu o jednom biću do kraja njegovog života. Za ovakve nove vlasnike bio bi pogodan manje zahtjevan pas i podrška u procesu navikavanja.

S druge strane, neko ko je imao psa ili više njih u toku života ima iskustva koja mogu pomoći stručnjaku da procijeni koji novi ljubimac bi najbolje odgovarao, te bi znali nositi se s obukom psa koji ima zahtjevnije potrebe.



DRUŽENJE S ODGOVORNIM VLASNICIMA I NJIHOVIM PSIMA U MOSTARU

Sredinom aprila Predstavništvo Fondacije Dogs Trust organiziralo je prvi javni događaj u Mostaru povodom širenja svoje podrške na Hercegovačko-neretvanski kanton (HNK) i pokretanja svoja dva najveća programa, Programa edukacije školske djece i Programa sterilizacije pasa u ovoj regiji.

Programi Predstavništva Fondacije Dogs Trust se u svim regijama djelovanja, što je oko 61% teritorije BiH, provode uz angažman i saradnju lokalnih nevladinih organizacija i odobrenje relevantnih lokalnih vlasti, a Dogs Trust programi u ovom kantonu provode se u partnerstvu s nevladinom organizacijom „Animal Care Center“ iz Mostara.

U događaju su uživali brojni vlasnici pasa sa svojim ljubimcima, kao i drugi prijatelji i ljubitelji životinja, a za najmlađe posjetioce organizirana je edukativno-zabavna radionica o sigurnosti u kontaktu sa psima i u blizini pasa te o potreba i odgovornom vlasništvu pasa.

Centralni događaj koji je zabavio i obradovao mnoge bio je nagradno izvlačenje i prezentacija Dogs Trust stručnjaka za obuku pasa koji je vlasnicima pasa govorio o tome koliko je pored fizičke, za zdravlje i ponašanje ljubimaca važna i mentalna stimulacija pasa, te je ovom prilikom objasnio i korištenje jedne od glavnih nagrada – puzzle za pse.

Pet vlasnika pasa koji su učestvovali u Facebook takmičenju su kroz izvlačenje iz staklene kugle osvojili vrijedne nagrade, uključujući vaučer u vrijednosti od 20 KM u prodavnici „Svijet ljubimaca“, puzzle za pse, igračku za pse „Kong“, podlogu za pse za svoj automobil, praktičnu, vodootpornu prenosnu zdjelu za vodu i hranu, prenosni vodootporni jastuk za pse, te povodac, ogrlicu, te zdjelu za hranu i vodu, dok su svi drugi posjetioci na mini izvlačenju upriličenom na info pultovima imali priliku osvojiti nagrade kao što su zdjele za hranu i vodu, ogrlice, pivoce, marama za pse, svijetleće privjeske, vrećice za odlaganje psećeg otpada i sl.



NAGRADA ZA OSNOVCE TUZLANSKOG KANTONA ŠKOLSKO TAKMIČENJE „MOJ PAS, MOJA ODGOVORNOST“



Fondacija Dogs Trust organizirala je takmičenje pod nazivom „Moj pas, moja odgovornost“ u saradnji sa kantonalnim Ministarstvom obrazovanja i nauke i sa partnerskom organizacijom Fondacija Tuzlanske Zajednice (FTZ) u svim školama Tuzlanskog kantona. U okviru takmičenja u kojem je učestvovalo ukupno 55 škola iz 13 općina Tuzlanskog kantona djeca su dizajnirala postere kojima su na kreativan način pokazala znanje stečeno na Dogs Trust radionicama, a krajem aprila, u sjajnoj atmosferi u dvorištu osnovne škole „Jala“ u Tuzli, organizirano je svečano proglašenje pobjednika ovog takmičenja.



Događaj su svojim obraćanjem otvorili organizatori – predstavnici Ministarstva, Fondacije Dogs Trust i FTZ-a. Tokom ceremonije predstavnicima 13

škola koje su ispred svojih općina osvojile prvo mjesto uručeni su veliki, simbolični vaučeri, dok su nagrade – računar sa zvučnicima za svaku školu pobjednicu, te tablet za voditelje pobjedničkih timova – naknadno dostavljeni u škole. Ovom prilikom postavljena je



i izložba svih dječjih radova pa su svi posjetioci mogli pogledati njihove zais-ta kreativne i zanimljive crteže, a svi učesnici događaja su pored lijepih uspomena sa sobom ponijeli i simbolične poklone te edukativne materijale. Direktori škola pobjednica izrazili su zahvalnost za organizirano takmičenje te vrijedne nagrade koje im uveliko pomažu pri realizaciji nastavnog procesa, a također olakšavaju rad Dogs Trust edukatorima prilikom održavanja



radionica u školama koje se u ovom kantonu provode već četiri godine, uz angažman i partnerstvo FTZ-a i odobrenje Ministarstva.

Čestitamo pobjedničkim školama:

- JU OŠ Kreka, Grad Tuzla
- JU OŠ Sjenjak, Grad Tuzla
- JU OŠ Pasci, Grad Tuzla
- JU OŠ Mramor, Grad Tuzla
- JU OŠ Grivice, Općina Banovići
- JU OŠ Humci, Općina Čelić
- JU OŠ Brijesnica, Općina Doboj Istok
- JU OŠ Tinja, Općina Srebrenik
- JU OŠ Lukavac Grad, Općina Lukavac
- JU OŠ Kladanj, Općina Kladanj
- JU OŠ Musa Čazim Čatić Zelinja Donja, Općina Gradačac
- JU OŠ Stjepan Polje, Općina Gračanica
- JU OŠ Višća, Općina Živinice





Dobitnik naše nagrade za humanost prema životinjama 2018.

SREDNJA STROJARSKA ŠKOLA FAUSTA VRANČIĆA IZ MOSTARA



"Pozdrav dragim i vrijednim ljudima iz Fondacije Dogs Trust. Mi u mostarskoj Srednjoj strojarskoj školi smo preuzeli nagrade i još jednom vam zahvaljujemo na njima." Tatjana Ljolje Marić, profesorica nagrađene škole koja je i vođa školskih aktivnosti za promociju dobrobiti pasa

Nagrada i medalja za humanost u odnosu prema životinjama svečano je uručena Srednjoj strojarskoj školi Fausta Vrančića u Mostaru.

Odluka da Nagrada za 2018. godinu pripadne ovoj školi donesena je zbog iznimno pozitivnog primjera koji prosvjetni radnici i djeca ove škole daju zajednici u aktivnostima vezanim za edukaciju o potrebama i prirodi pasa, važnosti odgovornog vlasništva pasa, te humanosti prema psima, posebno onima koji nemaju vlasnika i prisiljeni su da žive na ulicama.

Plaketa i medalja za humanost te simbolični vaučer u vrijednosti od 2.500 KM su u okviru ceremonije uručeni gospođi Zdenki Mišković, ravnateljici škole. Nagrada u ovoj vrijednosti koja će do-

prinijeti unapređenju procesa edukacije i provođenja aktivnosti vezanih za promociju dobrobiti životinja sastoji se od profesionalnog Canon fotoaparata sa stativom i memorijskom karticom, te zalihama hrane za nezbrinute pse o kojima se brinu učenici ove škole.

Svečanosti su, pored predstavnika Fondacije Dogs Trust, prisustvovali učenici i profesori škole koji sistemski, kroz svoj svakodnevni rad s učenicima, nastoje osvijestiti značaj humanosti prema životinjama, te podići svijest o važnosti unapređenja dobrobiti životinja, prvenstveno napuštenih pasa i koji kroz široki spektar aktivnosti potiču na izgradnju empatije i pozitivnog stava prema životinjama. U okviru ceremonije upriličena je i prezentacija

aktivnosti ove škole na promociji dobrobiti pasa i drugih životinja.

Brojna istraživanja pokazuju da je odnos prema životinjama indikator zdravlja društva, što znači da je humanost prema životinjama direktno vezana za humanost prema ljudima u zajednici! Predstavništvo Fondacije Dogs Trust u BiH je Nagradu za humanost prema životinjama pokrenulo upravo zbog sve češćih izvještaja o dobrim primjerima u zajednici kao što je ovaj, što želimo nagraditi i pokazati kao inspiraciju drugima.

Više detalja o Nagradi za humanost možete pročitati na www.dogstrust.ba.



DOGS TRUST RADIONICE ZA DJECU, PORODIČNI I EKOLOŠKI DAN OPĆINE CENTAR SARAJEVO

Najmlađi posjetioci ovogodišnjeg Porodičnog i ekološkog dana Općine Centar Sarajevo imali su priliku uživati u besplatnim Dogs Trust zabavno-edukativnim radionicama za djecu koje promoviraju sigurnost u kontaktu sa psima i u blizini pasa i odgovorno vlasništvo pasa.

Posebno iznenađenje za djecu bio je dolazak i druženje sa Dogs Trust superheroinom, zviždjom najnovije Dogs Trust kampanje za promociju Dogs Trust Programa edukacije školske djece!



EDUKACIJA PARTNERA I SARADNJA U OSTVARENJU ZAJEDNIČKIH CILJEVA



Predstavništvo Fondacije Dogs Trust kontinuirano radi na unapređenju saradnje sa lokalnim vlastima u Bosni i Hercegovini, ali i sa predstavnicima javnosti, medija, lokalnih partnera i sadašnjih i budućih vlasnika pasa. U sklopu unapređenja saradnje sa medijima i lokalnim partnerskim veterinarskim klinikama, Predstavništvo je u prvoj polovini 2019. godine organiziralo dvije radionice:

Media seminar za predstavnike lokalnih medija širom Bosne i Hercegovine s ciljem unapređenja izvještavanja na temu problema napuštenih pasa/pasa lutilica te podršci Fondacije Dogs Trust.

Održane prezentacije i diskusije na temu Zakona o zaštiti i dobrobiti životinja Bosne i Hercegovine, Sistema za upravljanje populacijom pasa, zakonskog i humanog rješavanja problema napuštenih pasa te uložiti, ciljevima i programima koje Predstavništvo Fondacije Dogs Trust kreira, koordinira, finansira i provodi u regijama širom Bosne i Hercegovine.

Seminar za partnerske klinike u Kantonu Sarajevo i Istočnom Sarajevu održan je u prostorijama Dogs Trust Škole za pse, a partnerima su prezentirane aktivnosti u sklopu Programa koje Predstavništvo provodi na području ove regije.

Vlasnici pasa sa područja Kantona Sarajevo i Istočnog Sarajeva sada se mogu prijaviti za besplatnu edukaciju vlasnika i obuku pasa u Dogs Trust Školi za pse u svim veterinarskim klinikama koje učestvuju u Dogs Trust Programu masovne sterilizacije napuštenih pasa i besplatne sterilizacije vlasničkih pasa.





POSTANITE DOGS TRUST FOSTERING VOLONTER



Svi znamo da je mnogo kvalitetnih napuštenih pasa koji bi mogli postati sjajni ljubimci. Uspjeh našeg Programa uveliko zavisi od spremnosti volontera da rade sa nama!

Pomozite nam da što više pasa nađe svoj trajni, sretni dom – postanite Dogs Trust fostering volonter.

Više informacija i prijave na
www.dogstrust.ba/udomljavanje

Kontaktirajte nas!

☎ 063 299 224 ✉ fostering@dogstrust.ba

📷 [@dogstrustudomljavanje](https://www.instagram.com/dogstrustudomljavanje) 📺 [/DogsTrustBiH](https://www.facebook.com/DogsTrustBiH)

Napomena: Dogs Trust Program fostering udomljavanja provodi se na području Kantona Sarajevo.